

## A E Kreador (Salmo 8; 100)

- ❖ Pakiko Dios ta e Señor di e Tera kompleto?
  - Ya kaba El a eksistí promé ku e Tera a eksistí: "Bo a eksistí semper" (Salmo. 93:2)
  - E lo sigui eksistí ora ku E Tera aki disparsé (Salmo. 102:25-27)
  - E ta superior na kualke dios di e nashonnan, kende ta inventonan humano (Salmo. 115:2-4)
  - Kreashon mes ta deklará e gloria di Dios. (Salmo 8:1; 19:1)
  - E tin poder riba naturalesa (Salmo. 29:5-8)
  - E mundu ta pertenesé na Dios, pasombra El a krea esaki (Salmo. 89:11)
- ❖ Mirando rònt di nos, nos por pensa ku humanidat ta grandi, ku esaki a hasi hazañanan i maravianan grandi. Pero e salmista konfidentemente(siguramente) ta deklará: "Sabi ku Señor ta Dios; El a traha nos, i no ta nos mes a traha nos mes" (Salmo. 100:3).
- ❖ Nos ta solamente mayordomonan di loke Dios a krea (Salmo 8:5-9 ). E so ta meresé nos adorashon i lealtat supremo.

## B E Rei (Salmo 97)

- ❖ Salmonan ta mustra Dios como un rei bistí ku onor, mahestat I fortalesa (Salmo 93:1), kubrí ku lus (Salmo 104:2). Segun e Salmonan, pakiko Dios a wòrdú proklamá Rei?
  - Pasombra E ta Kreador (Salmo. 149:2)
  - Pasombra E ta Salvado (Salmo. 74:12)
  - Pasombra E ta stablesé e mundu (Salmo. 96:10)
  - Pasombra E ta miserikòrdioso (Salmo. 98:3)
  - Pasombra esaki ta korekto (Salmo. 97:2)
  - Pasombra esaki ta uni Shelu i Tera den alabansa (Salmo. 148)
- ❖ Sinembargo, Su disipelnan ta deleitá den Su huisianan hustu (Salmo 97:8, 12). Pa medio di fe, Dios Su pueblo ta regosihá den e stablesimentu di Dios Su Reino dor di e ministerio redentivo di Kristu i nan ta mira padilanti na e konsumashon(kulminashon) di e Reino na Su Segunda Binida (Dan. 2:44).

## C E Hues (Salmo 75)

- ❖ Komo Rei soberano, Dios ta tambe Dunadó di lei I Hues (Salmo 99:7; 7:11). Salmo 75 intensamente ta deskribí e trabou di e Hues i e proseso i kulminashon di Su huisio:
  - E Hues a apuntá un tempu ora ku E lo kuminsa pa huzga (Salmo. 75:2)
  - Huisio lo wòrdú tené i ehekutá promé ku humanidat mes destruí e Tera (Salmo. 75:3)
  - Promé di huzga kada kaso, Dios ta spierta i ta duna oportunidat na e perverso (malbado) pa repentí. 75:4-7)
  - Na final di e huisio, Dios lo basha e plaganan di e kopa di rabia, yená ku biña mesklá, riba e malbadonan (Salmo. 75:8)
  - Na e tempu ei, lo tin un remanente fiel riba Tera kende lo alabá Dios (Salmo 75:9)
  - Finalmente, tur pekador no-repentí lo wòrdú destruí pa semper; i e hustunan lo biba pa semper (Salmo. 75:10)
- ❖ Pakiko, promé ku papia di huisio, e salmista ta gradisi Dios (Salmo. 75:1)?

- ❖ Pasombra esnan di nos kende ta konfia den e amor di Dios no tin nada pa teme di huisio ( Santiago 2:13; 1Juan. 2:1).

#### D E pakto (Salmo 7; 105)

- ❖ E siguransa ku Dios Su pueblo tin di ta wòrdú apsolvé na huisio ta ta basá riba e pakto(akuerdo) ku Dios a hasi ku nan (Salmo. 105:7-8).
  - El a sera e aliansa ku Abraham i Isaak (Salmo. 105:9)
  - El a ratifiká(konfirmá) esaki ku Jakòb, kual ta Israel (Salmo. 105:10-11)
  - Desde ku nan tabata poko i debil, El a protehá nan (Salmo. 105:12-15)
  - El a salba Israel dor di Jose (Salmo. 105:16-24)
  - Ora ku nan a wòrdú sklabisá, El a libra nan (Salmo. 105:25-38)
  - El a protehá nan den e desierto (Salmo. 105:39-43)
  - El a stablesé nan den Kanaan, e Tera Primintí (Salmo. 105:44)
  - Komo parti di e aliansa, e pueblo mester a warda e Lei (Salmo. 105:45)
- ❖ Dios ta duna nos Su hustisia i protekshon; E ta libra nos for di maldat i ta salba nos. Nos parti ta pa brasa Su pakto i ta dispuesto pa obedesé Su leinan. (Salmo. 7).
- ❖ Nos a wòrdú yamá pa proklama e aliansa entre e nashonnan, asina ku nan tambe lo por alabá Dios (Salmo 105:1-4).

#### E E Lei (Salmo 25)

- ❖ Intimamente konektá na e pakto ta e “ testimonionan.” E testimonionan ta e sèt di leinan i ordenansianan ku Dios a duna na Su pueblo como e fundeshi di e gobierno di Su Reino.
- ❖ Tur e testimonionan ta derivá(originá) for di un fuente komun: e dies mandamentunan. Kiko e Salmonan ta bisa nos tokante di e Lei òf testimonio?
  - Salmo 1:1-3. Nan ta hasi nos felis i fruktífero.
  - Salmo 25:10. Nan ta guia nos riba kamindanan di miserikòrdia i bérdat.
  - Salmo 93:5. Nan ta duna nos seguridat, pasombra nan ta firme.
  - Salmo 112:1-2. Nan ta un bendishon na nos famia..
  - Salmo 119:165. Nan ta duna nos pas.
  - Salmo 119:110. Nan ta prevení nos di kai den e enemigu su trampenan.
- ❖ E salmistanan ta apelá na Dios, Kende ta Kreador, Rei, Hues, Soberano di Pakto, i Dunadó di Lei. Den e mundu nos por ta seif i sigur, asta meimeい di e konfushon di e gran Kontroversia, pasombra Dios ta soberano i fiel den tur ku E ta hasi i bisa..